



BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: UP1:01-50-2-3049-1/24
Sarajevo, 03.07.2024. godine

Na osnovu člana 26. stav (4) Zakona o slobodi pristupa informacijama u Bosni i Hercegovini („Službeni glasnik BiH“, br. 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu prijevoznika „Prevoz putnika“ d. o. o. Zavidovići za slobodu pristupa informacijama od 24. 6. 2024. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE
o slobodi pristupa informacijama

Prijevozniku „Prevoz putnika“ d. o. o. Zavidovići odobrava se pristup informacijama po zahtjevu od 24. 6. 2024. godine.

O b r a z l o ž e n j e

Prijevoznik „Prevoz putnika“ d. o. o. Zavidovići obratio se 24. 6. 2024. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 61/23, u daljnjem tekstu: Zakon).

U zahtjevu je navedeno da se traži pristup informacijama, odnosno dostava *informacije da li je preduzeću USORA-TURS d. o. o. Jelah-Tešanj u periodu od 1. 1. 2024. godine pa nadalje od strane Inspektorata oduzeta dozvola za međunarodni prijevoz na liniji Sarajevo – Balingen (202-D-l) te ukoliko jeste, kada, te da nam dostavite informaciju da li je licenca stavljena van snage ili je eventualno postupljeno na neki drugi način (dostaviti akt kojim je postupljeno).*

U skladu sa članom 23. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 26. stav (1) Zakona i Vodiča o slobodi pristupa informacijama broj: 01-50-1087/24 od 10. 5. 2024. godine,

poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku informira se podnositelj zahtjeva da je prijevoznik USORA TURS d. o. o. Jelah 15. 5. 2023. godine podnio zahtjev za privremenu obustavu prijevoza na međunarodnoj autobusnoj liniji Sarajevo – Balingen, nakon čega je Ministarstvo zatražilo dopunu dokumentacije, odnosno dostavljanje dokaza o postojanju objektivnih razloga (viša sila). S tim u vezi, prijevoznik USORA TURS d. o. o. Jelah je 25. 12. 2023. godine obavijestio Ministarstvo o razlozima koji su prouzrokovali obustavu, a čije posljedice nisu mogli otkloniti.

Nadalje, prijevoznik USORA TURS d. o. o. Jelah je 19. 2. 2024. godine obavijestio Ministarstvo o odustajanju od zahtjeva za privremeni prekid obustave prijevoza na međunarodnoj autobuskoj liniji Sarajevo – Balingen registarske oznake 202-D-1 od 15. 5. 2023. godine. S tim u vezi, Ministarstvo je donijelo Zaključak kojim se obustavlja postupak po zahtjevu za privremeni prekid prijevoza na međunarodnoj autobuskoj liniji Sarajevo – Balingen, u Registru redova vožnje zavedena pod oznakom 202-D-1.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositeljica zahtjeva nije zadovoljna postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Škuletić-Malagić

Dostavljeno:

- „Prevoz putnika“ d. o. o. Zavidovići, Omladinsko naselje bb, 72 220 Zavidovići;
- spis predmeta;
- a/a.